



Raport Muaji Qershor 2025

Informacion bazë

Administrimi i Fondit	Shoqëria Raiffeisen Invest sh.a
Monedha	Euro
Datë Lancimi	22 Nentor 2012

Vlera fillestare e kuotës	100
Shuma fillestare minimale	250
Shuma minimale pasuese	50

Komisione dhe Tarifa

Tarifë në hyrje	0.00%
Tarifë në dalje	0.00%
Tarifë Administrimi në vit	Deri ne 1.30% e vleres neto te aseteve

Tarifa te tjera te vazhdueshme	Referojuni prospektit te fondit
--------------------------------	---------------------------------

Komisione/tarifa të vazhdueshme	1.48% per vitin 2024
---------------------------------	----------------------

Kosto për transfertë fondesh nga palë të treta	Referojuni informacionit ne deget e RBAL
--	--

Objekti i investimit dhe profili i investitorit

Objekti i Fondit është të mund t'i sigurojë investitorit një kthim nga investimi në perputhje me një menaxhim të kujdesshëm të portofolit duke ruajtur nivelin e kapitalit dhe likuiditetit të nevojshëm.

Nje pjese e rendesishme e asetve te fondit mund te investohen ne bono dhe obligacione thesari te Qeverise se Republikes se Shqiperise, te emtuara ne monedhen euro. Megjithate, frekuenca e emetimeve ne euro nga Qeveria e Republikes se Shqiperise do te percaktoje shkallen ne te cilen Fondi do te investoje ne keto lloj instrumentash.


Fondi eshte i pershtatshem per individ dhe subjekte juridike te cilet mendojne se objekti i investimit i Fondit perputhet me kerkesat dhe pritshmerite e tyre.

Shifra e tarifave të vazhdueshme 1.48% mbështetet në shpenzimet për vitin e mbyllur më 31.12.2024. Kjo shifër mund të ndryshojë nga viti në vit. Tarifa totale e vazhdueshme nuk mund të kalojë maksimumin prej 1.6% ne vit te vlerës neto të asetve te fondit.

Kostot e transaksioneve janë sipas kushteve të punës të palëvendërmjetësuese dhe nuk përfshihen në llogaritjen e komisioneve dhe tarifave të vazhdueshme, por ato i ngarkohen Fondit.

Profili i Riskut dhe Përfitimit

Risk i ulët	Risk i lartë
Përfitimet tipike më të ulëta	Përfitimet tipike më të larta



Fondi Raiffeisen Invest Euro është në kategorinë e tretë të Profilit të Riskut dhe Përfitimit

Treguesi i riskut dhe përfitimit korrespondon me një numër të plotë i cili përdoret për të renditur fondin në një nivel risku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa risk.

Ky tregues ka për qëllim tju informoje mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e riskut në të ardhmen.

Të dhëna për Fondin në 30 Qershor 2025


Vlera Neto e Aseteve	€ 43,705,945
Numri i Investitoreve	1,735
Cmimi i Kuotes	117.3110
*Kthimi Vjetor nga Investimi (30.06.2024 – 30.06.2025)	4.85%

*Tarifa e administrimit dhe tarifat e tjera të vazhdueshme zbriten përpara llogaritjes së kthimit nga investimi.

Struktura e Portofolit të investimeve më 30 Qershor 2025

Portofoli i fondit Euro është ndërtuar në një mënyrë të tillë që të përfitojë nga balancimi i kategorive të ndryshme të investimeve në bono dhe obligacioneve qeveritare dhe të korporatave. Kjo bëhet me qëllim për të diversifikuar portofolin dhe ulur riskun që vjen nga ekspozimi i gjere ndaj pak instrumenteve.

Përqindja e alokimit të asetëve bëhet në përputhje me politikën e investimit dhe kriteret të specifikuar në prospektin e fondit. Shpërndarja e asetëve mund të jetë jashtë objektivit të përcaktuar për shkak të ndryshimeve të kushteve të tregut. Asetet e Fondit janë të investuara në instrumente financiare që i përkasin emetuesve që performojnë në industri të ndryshme të ekonomisë duke bërë të mundur rritjen e diversifikimit të portofolit.




Duke iu referuar strukturës së portofolit të investimeve të fondit më 30 qershor 2025, përqindja e asetëve të fondit e investuar në Obligacione Shtetërore është në 54.3% të asetëve dhe 37.1% i përkasin obligacioneve të emetuara nga Qeveria Shqiptare. Fondi mund të balancojë ekspozimin ndaj instrumenteve të ndryshme në varësi të kushteve të tregut për të arritur objektivat e tij afatgjatë. Asetet e fondit të investuara në obligacione korporatash me vlerësim të lartë dhe në fonde investimesh përbëjnë 39.7% të totalit të aktiveve. Keto fonde investimi gjithashtu kanë në fokus investime në tregun e obligacioneve. Likuiditeti i mbajtur në cash dhe depozita është rritur në nivelin 6% e totalit të asetëve të fondit. Vlera neto e asetëve të fondit është në nivelin 43.71 milionë EUR në fund të muajit qershor.

Performanca e fondit dhe ecuria e çmimit të kuotës gjatë muajit Qershor


Gjatë muajit qershor, çmimi i kuotës së fondit ka pësuar rritje me **0.38%**. Konfliktet gjeopolitike nxitën investitorët të kërkojnë instrumente më të sigurta, si: ari apo obligacionet qeveritare të ShBA. Tregu i obligacioneve pati një performancë përgjithësisht pozitive gjatë qershorit, edhe pse mundësia e përshkallëzimeve të mëtejshme e mbajti luhatshmërinë të lartë. Performanca e obligacioneve qeveritare dhe atyre të korporatave pati përfundimisht një efekt pozitiv në portofolin e investimeve të fondit Raiffeisen Invest Euro, i cili regjistroi fitim përgjatë muajit. Yield-i mesatar i portofolit të investimeve të fondit ishte 3.21% për një kohëzgjatje mesatare prej 3.09 vjet më 30 qershor. **Kthimi neto vjetor i fondit është +4.85% më 30 qershor 2025.**

Ecuria e Çmimit të Kuotës Fondi Raiffeisen Invest Euro



Ne dt 30 Qershor 2025	1 Vit	2 Vite	3 Vite	5 Vite	10 Vite	Nga lancimi (22 Nentor 2012)
Kthimi ne % p.a per periudhen	+4.85%	+4.30%	3.87%	0.67%	+0.84%	+1.27%

Kthimi Neto i fondit Raiffeisen Invest Euro per çdo vit



Duhet patur parasysh se norma e kthimit ndryshon ne varesi te kushteve te tregut dhe çmimi i kuotës mund të jetë i luhatshëm, pra nuk është statik apo gjithmonë në rritje, por edhe mund të bjerë si pasojë e ndryshimeve të kushteve në treg. Luhatshmëria është pjesë e natyrshme e fondeve te investimit dhe eliminimi total i saj është i pamundur.

Investitorët e fondit Raiffeisen Invest Euro dhe te gjithe fondeve te administruara nga Raiffeisen Invest keshillohen te kene nje horizont sa me te gjate investimi per te perfituar nje kthim optimal nga investimi dhe ne kete menyre ne periudhe afatmesme apo afatgjate te kene mundesi te rikuperojne edhe efektet negative te krijuara afatshkurter.

Investitorët inkurajohen që të ruajnë investimin e tyre duke mos ndryshuar objektivin e qëndrimit në fond të nxitur nga situatat jo të zakonshme të krijuara perkohesisht në tregjet financiare, sepse në këto mënyra nuk do të riskojnë të dalin nga fondi në momentin e gabuar për investimin e tyre.

Zhvillimet dhe informacion mbi ecurinë e tregjeve financiare gjatë muajit Qershor

Inflacioni në Eurozonë u rrit pak, në nivelin 2%, në qershor, duke treguar se çmimet e konsumit tani janë në përputhje me objektivin prej 2% të Bankës Qendrore Europiane. Ekonomistët e prisnin që rezultati të ishte 2% për dymbëdhjetë muajt deri në qershor, pas një rënijeje më të madhe se sa pritej, në nivelin 1.9% në maj. Inflacioni bazë, i cili përjashton çmimet e energjisë, ushqimeve, duhanit dhe alkoolit, mbeti i pandryshuar në nivelin 2.3% në qershor.

Çmimet e konsumit u rritën më pak se pritshmëritë në maj, pasi tarifat e Presidentit Donald Trump nuk kanë treguar ende ndikim të rëndësishëm në inflacion. Indeksi i çmimeve të konsumit u rrit me 0.1% për muajin, duke e vendosur normën vjetore të inflacionit në nivelin 2.4%. IÇK bazë ishte përkatësisht 0.1% dhe 2.8%, krahasuar me parashikimet prej 0.3% dhe 2.9%. Norma vjetore e të gjithë artikujve shënoi një rritje prej 0.1 përqind nga prilli, ndërsa norma bazë mbeti e njëjtë.

Vendimi i BQE-së për të ulur normën e depozitave me 25 pikë bazë në 2.0% dhe për të mos dhënë sinjale të qarta mbi drejtimin e ardhshëm të politikës monetare ishte në përputhje me pritshmëritë. Është e mundur që BQE të presë deri në shtator për të lehtësuar më tej politikën.

Rezerva Federale e la normën e fondeve federale të pandryshuar në nivelin 4.25% – 4.50%, për një takim të katërt radhazi në qershor 2025, në përputhje me pritshmëritë, ndërsa politikëbërësit po mbajnë një qëndrim të kujdesshëm për të vlerësuar plotësisht ndikimin ekonomik të politikave të Presidentit Trump, veçanërisht atyre që lidhen me tarifat, imigracionin dhe taksat.

Në mes të qershorit 2025, tensionet midis Iranit dhe Izraelit u përshkallëzuan dramatikisht në një konflikt intensiv 12-ditor. Konflikti nxitu investitorët të kërkojnë instrumente më të sigurta, si: ari apo obligacionet qeveritare të ShBA. Tregu i obligacioneve pati një performancë përgjithësisht pozitive gjatë qershorit, edhe pse mundësia e përshkallëzimeve të mëtejshme e mbajti luhatshmërinë të lartë.

Në vazhdim, ekonomia amerikane u tkurr me një normë vjetore prej 0.5% në tremujorin e parë të vitit 2025, tkurrja e parë në tri vjet. Shifra më e dobët e PBB-së u nxit kryesisht nga rishikimet që ulën në mënyrë të konsiderueshme vlerat e shpenzimeve të konsumatorëve dhe eksporteve. Ekonomia e Eurozonës u rrit me 0.6% në tremujorin e parë të vitit 2025, duke dyfishuar vlerësimin e mëparshëm prej 0.3% dhe duke shënuar zgjerimin më të madh që nga tremujori i tretë i vitit 2022, i shkaktuar kryesisht nga rritja e jashtëzakonshme prej 9.7% e Irlandës dhe një performancë më e mirë se sa ishte raportuar fillimisht nga Gjermania.

Të dhënat e kthimit nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjerë numerikë janë përdorur për qëllime ilustrative dhe analizë të të dhënave historike, dhe nuk duhen përdorur nga investitorët për të nxjerrë konkluzione për të ardhmen. Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë një kthim të caktuar të fondit.

Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen Invest sh.a., në faqen zyrtare www.raiffeisen-invest.al ose në degët e Raiffeisen Bank në Shqipëri.